



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU HRVATSKE SELJAČKE STRANKE STJEPANA RADIĆA

Broj: 03-07-6-304/14
Sarajevo, 31. mart 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske seljačke stranke Stjepana Radića za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Hrvatska seljačka stranka Stjepana Radića prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske seljačke stranke Stjepana Radića za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska seljačka stranka Stjepana Radića se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	25.720,00	100,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	25.720,00	100,00%
II	Kreditno zaduženje kod banaka	0,00	0,00%
Izvori finansiranja (I+II)		25.720,00	100,00%

U godišnjem finansijskom izvještaju stranka je iskazala ukupne rashode u iznosu od 26.459,84 KM.

2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka Stjepana Radića. Skraćeni naziv stranke: HSS Stjepana Radića.

Hrvatska seljačka stranka Stjepana Radića upisana je u registar političkih organizacija kod Općinskog suda u Travniku, rješenjem broj: 051-0-F1-12-000001 od 04.04.2012. godine.

Sjedište političke stranke je u Novom Travniku, Stjepana Radića 1/3.

Lica ovlaštena za zastupanje stranke su Josipa Katava, predsjednik i Anto Lozančić, član predsjedništva.

Lice ovlašteno za podnošenje finansijskih izvještaja za 2013. godinu je Anto Lozančić.

Prema podacima iz godišnjeg finansijskog izvještaja za 2013. godinu, Hrvatska seljačka stranka Stjepana Radića ima sljedeću organizacionu strukturu:

- Središnjica,
- Županijski/Kantonalni odbor Središnja Bosna i
- 10 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske seljačke stranke Stjepana Radića za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske seljačke stranke Stjepana Radića obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregledom godišnjeg finansijskog izvještaja Hrvatske seljačke stranke Stjepana Radića za 2012. godinu nije utvrđeno ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE

5.1. NALAZI

Hrvatska seljačka stranka Stjepana Radića prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da Hrvatska seljačka stranka Stjepana Radića nije vodila poslovne knjige u skladu sa zakonom i obrasce godišnjeg finansijskog izvještaja za 2013. godinu nije popunila u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka.

(1) Služba za reviziju je utvrdila da je HSS Stjepana Radića u obrascu 4.1 (režijsko-administrativni i ostali troškovi) godišnjeg finansijskog izvještaja iskazala nabavku namještaja u iznosu od 4.276,40 KM i povrat duga iz 2012. godine u iznosu od 3.000,00 KM, čime je ukupne rashode iskazala u većem iznosu za 6.601,40 KM, što je suprotno odredbama člana 21. i člana 22. Pravilnika o godišnjim finansijskim izvještajima političkih stranaka.

Naime, nabavka namještaja i tehničke opreme se ne smatra rashodom, već se u poslovnim knjigama iskazuje kao osnovno sredstvo. Isto tako, povrat obaveza i dugovanja se u poslovnim knjigama evidentira kao smanjenje obaveza, a ne kao rashod tekućeg perioda.

Pogrešno iskazivanje rashoda u godišnjem finansijskom izvještaju i Godišnjem obračunu stranke ukazuje da stranka nije vodila poslovne knjige u skladu sa odredbama Zakona o računovodstvu i reviziji Federacije Bosne i Hercegovine, čime je prekršila odredbe člana 11. Zakona o finansiranju političkih stranaka.

(2) Hrvatska seljačka stranka Stjepana Radića nije u skladu sa poreskim propisima obračunala i uplatila porez na dohodak i pripadajuće doprinose na sredstva isplaćena fizičkim licima po osnovu

stipendija, humanitarne pomoći za 14 porodica, te na naknade članovima Predsjedništva stranke i Županijskog/Kantonalnog odbora, niti je u finansijskom izvještaju iskazala troškove i obaveze po ovom osnovu, čime je prekršila odredbe člana 12. stav (1) i stav (3) Zakona o finansiranju političkih stranaka.

- Kontrolom dodatne finansijske dokumentacije utvrđeno je da je HSS Stjepana Radića na osnovu Odluka¹ izvršila isplatu jednokratne pomoći za četrnaest (14) porodica u ukupnom iznosu od 3.195,00 KM, te da je na osnovu Odluke o potpori za studiranje broj: 01-02/12 od 10.01.2013. godine izvršila isplatu sredstava za dva (2) fizička lica u ukupnom iznosu od 600,00 KM.

Obzirom da sredstva isplaćena fizičkim licima imaju karakter ličnih primanja, HSS Stjepana Radića je imala obavezu da, u skladu sa poreskim propisima, na sredstva isplaćena fizičkim licima po osnovu odluka, obračuna i uplati poreze i doprinose.

- Pregledom je utvrđeno da je stranka po osnovu Odluke Predsjedništva HSS Stjepana Radića o visini dnevnice broj: 01-01/13 od 10.01.2013. godine, te Saglasnosti Županijskog/Kantonalnog odbora Središnja Bosna na Odluku Predsjedništva HSS Stjepana Radića o visini dnevnice broj: 02-01/13 od 22.02.2013. godine, izvršila isplatu naknada članovima Predsjedništva i Županijskog/Kantonalnog odbora Središnja Bosna za prisustvovanje sjednicama u ukupnom iznosu od 3.000,00 KM.

Stranka je u finansijskom izvještaju sredstva isplaćena po ovom osnovu iskazala kao troškove dnevnica, mada, prema podacima iz Bilansa uspjeha za period 01.01.-31.12.2013. godine, stranka nije imala troškove plata, odnosno nije imala zaposlena lica.

Obzirom da je izvršila isplatu naknada članovima Predsjedništva i Županijskog/Kantonalnog odbora Središnja Bosna HSS Stjepana Radića, a da navedena lica nisu zaposlena u stranci, Hrvatska seljačka stranka Stjepana Radića je imala obavezu da, u skladu sa poreskim propisima, na naknade isplaćene za prisustvovanje sjednicama, kao i na druga lična primanja, obračuna i uplati poreze i doprinose.

- HSS Stjepana Radića je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove goriva i putarina u ukupnom iznosu od 2.057,22 KM.

Uvidom u blagajničke izvještaje i dodatnu dokumentaciju, utvrđeno je da su sredstva isplaćena na osnovu računa za gorivo i putarine, te da blagajničke naloge isplate nisu potpisala lica koja su primila sredstva. Prema podacima iz Bilansa stanja na dan 31.12.2013. godine, stranka nema osnovna sredstva, pa nije mogla imati ni troškove goriva.

Na osnovu navedenog smatramo da sredstva isplaćena iz blagajne po osnovu računa za gorivo nisu utrošena u svrhu političkih aktivnosti stranke, te da je stranka imala obavezu da na ove isplate, u skladu sa poreskim propisima, izvrši obračun poreza na dohodak i pripadajuće doprinose.

- (3) Uvidom u Bilans stanja na dan 31.12.2013. godine utvrđeno je da obaveze Hrvatske seljačke stranke Stjepana Radića iznose 2.563,00 KM, iako, prema podacima iz poslovnih knjiga, stranka na dan 31.12.2013. godine nije imala obaveze.

Obzirom da je u obrascu 5 (obaveze političke stranke) iskazala obavezu po osnovu pozajmice koja je tokom godine vraćena, u iznosu od 3.000,00 KM, prekršene su odredbe člana 24. Pravilnika o godišnjim finansijskim izvještajima političkih stranaka.

¹ Odluka o isplati jednokratne pomoći br. 01-03/13 od 27.03.2013. godine i Odluka br. 01-23/13 od 13.12.2013. godine.

5.2. PREPORUKE

Preporučuje se Hrvatskoj seljačkoj stranci Stjepana Radića da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige u skladu sa odredbama Zakona o računovodstvu i reviziji Federacije Bosne i Hercegovine,*
- *da vodi evidencije o rashodima,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka,*
- *da poštuje i druge zakone, prevashodno poreske, i*
- *da poslovanje gotovinom putem blagajne svede na najmanju mjeru, te da naknade isplaćuje sa transakcijskog računa na tekuće račune fizičkih lica.*

KOMENTAR

U ostavljenom roku, Hrvatska seljačka stranka Stjepana Radića nije dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc Hasida Gušić